

**Հաստատված է**

**«Երևանի պետական համալսարան» հիմնադրամի Իջևանի մասնաճյուղի  
գիտական խորհրդի 2016թ. դեկտեմբերի 26-ի թիվ 20 նիստում**

**Գիտական խորհրդի նախագահ \_\_\_\_\_ Ս. Ա. Առաքելյան**

**ԿԱՆՈՆԱԴՐՈՒԹՅՈՒՆ**

**«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ԻՋԵՎԱՆԻ  
ՄԱՍՆԱՃՅՈՒՂԻ ՄԱՍՆԱԳԻՏԱԿԱՆ ԿՐԹՈՒԹՅԱՆ ՈՐԱԿԻ ԱՊԱՀՈՎՄԱՆ ԲԱԺՆԻ**

**1. Ընդհանուր դրույթներ**

- 1.1. Սույն կանոնադրությամբ սահմանվում են «Երևանի պետական համալսարան» հիմնադրամի Իջևանի մասնաճյուղի (այսուհետ՝ ԵՊՀ ԻՍ) Մասնագիտական կրթության որակի ապահովման բաժնի (այսուհետ՝ Բաժին) գործունեության հիմնական ուղղվածությունը և դրույթները:
- 1.2. Կանոնադրությունը մշակված է ՀՀ «Կրթության մասին» և «Բարձրագույն և հետբուհական մասնագիտական կրթության մասին» օրենքների, «Երևանի պետական համալսարան» հիմնադրամի Իջևանի մասնաճյուղի կանոնադրության, կրթության որակի բնագավառում ԵՊՀ ԻՍ-ի քաղաքականության և որակի ներքին ապահովման գործընթացները կանոնակարգող այլ փաստաթղթերի հիման վրա:
- 1.3. Բաժինը ԵՊՀ ԻՍ-ի ինքնուրույն կառուցվածքային ստորաբաժանում է, որի հիմնական նպատակը համալսարանում որակի ներքին ապահովման մեխանիզմների մշակումը և գործադրումն է, որակի շարունակական բարելավման մշակույթի խթանումը և կրթական ծառայությունների շուկայում բուհի բարձր մրցունակության ապահովումը:
- 1.4. Բաժինը սույն կանոնակարգով սահմանված խնդիրների լուծման նպատակով իր իրավասությունների սահմաններում համագործակցում է ԵՊՀ ԻՍ-ի այլ կառուցվածքային ստորաբաժանումների, ԵՊՀ-ի որակի ապահովման կենտրոնի, ՀՀ

մասնագիտական կրթության որակի ապահովման ազգային կենտրոն հիմնադրամի և այլ կազմակերպությունների հետ:

1.5. Բաժինն ունի ԵՊՀ ԻՄ-ի խորհրդանշանով ձևաթուղթ (պաշտոնաթուղթ):

1.6. Բաժնի կողմից իրականացվող ԵՊՀ ԻՄ-ի որակի ներքին ապահովման գործընթացները ֆինանսավորվում են «ԵՊՀ ԻՄ-ի որակի ներքին ապահովման գործընթացների ֆինանսական ապահովման քաղաքականության» հիման վրա, ինչպես նաև ՀՀ օրենսդրությամբ և ԵՊՀ ԻՄ-ի կանոնադրությամբ չարգելված այլ աղբյուրներից:

## **2. Բաժնի խնդիրներն ու գործառույթները**

### **2.1. Բաժնի խնդիրներն են.**

2.1.1. Մշակել և պարբերաբար վերանայել ԵՊՀ ԻՄ-ի որակի ներքին ապահովման (ՈՆԱ) քաղաքականությունը ու ռազմավարությունը, ապահովել խորհրդատվական աջակցություն դրանց իրականացման բոլոր մակարդակներում:

2.1.2. ԵՊՀ ԻՄ-ի գործունեության բոլոր հիմնական ոլորտներում պահպանել որակի ապահովման արտաքին պահանջներին համապատասխան միասնական չափանիշները և ապահովել որակի ներքին ապահովման գործընթացների համապատասխանությունը նշված չափանիշներին:

2.1.3. Բարելավել որակի ներքին ապահովման գործընթացները՝ ապահովելով ներքին և արտաքին շահակիցների ընդգրկվածությունը:

2.1.4. Կազմակերպել որակի ներքին ապահովման գործընթացների հաշվետվողականությունը՝ աջակցելով ներքին և արտաքին շահակիցների առջև ԵՊՀ ԻՄ-ի հաշվետվողականությանը, նրանց տրվող տեղեկատվության թափանցիկությանը, մատչելիությանը և օբյեկտիվությանը:

2.1.5. Նպաստել մասնաճյուղում որակի ներքին ապահովման գործընթացներում գործընկերային և թիմային աշխատանքի միջավայրի ստեղծմանը:

2.1.6. Ստեղծել կանոնադրային և կազմակերպական հենք, ստորաբաժանումներին տրամադրել խորհրդատվություն մասնաճյուղի ինստիտուցիոնալ կարողությունների և իրականացվող կրթական ծրագրերի որակի արտաքին գնահատման գործընթացների վերաբերյալ:

2.1.7. Հաստատել և ամրապնդել կապեր հանրապետությունում և տարածաշրջանում գործող բուհերի ՈՆԱ կենտրոնների հետ:

## **2.2. Բաժնի գործառնություններն են**

2.2.1. Մշակել ԵՊՀ ԻՄ ՈՆԱ գործընթացները կանոնակարգող փաստաթղթերը, համապատասխան մեխանիզմները և գործիքները, համակարգել ՈՆԱ գործընթացները մասնաճյուղում:

2.2.2. Սույն կանոնադրությամբ սահմանված իրավասությունների շրջանակում իրականացնել որակի ներքին ապահովման գործընթացներ, ուսումնասիրել և մշակել դրանց բարելավման առաջարկներ, զեկուցել դրանց արդյունքների մասին:

2.2.3. Աջակցել ԵՊՀ ԻՄ-ի բոլոր ստորաբաժանումներում որակի ներքին ապահովման գործընթացների մշակմանը, իրականացմանը և արդյունքների վերլուծությանը:

2.2.4. Ապահովել ՈՆԱ գործընթացների թափանցիկությունը՝ ներքին և արտաքին շահեկիցների գործուն մասնակցությամբ:

2.2.5. Իրականացնել ամենամյա տեղեկատվության հավաքագրում մասնաճյուղի գործունեության գնահատման առանցքային ցուցիչների /ԳԱՑ/ վերաբերյալ ինքնագնահատում և նրա արդյունքներից ելնելով առաջարկների մշակում:

2.2.6. Կազմակերպել ԵՊՀ ԻՄ-ի ինստիտուցիոնալ հավատարմագրման ինքնագնահատման գործընթացը, զեկույցի պատրաստումը, նրա քննարկումը և հրապարակումը:

2.2.7. Համակարգել մասնաճյուղի ստորաբաժանումների աշխատանքը հավատարմագրող մարմինների փորձագիտական այցերի ժամանակ:

2.2.8. Ապահովել փորձագիտական խմբի եզրակացության քննարկումը և արդյունքներն օգտագործում որակի ներքին ապահովման գործընթացների բարելավման համար:

2.2.9. Պատրաստել մասնագիտության կրթական ծրագրերի մշակման, մշտադիտարկման և պարբերական վերանայման ընթացակարգեր, համակարգել և աջակցել դրանց իրականացմանը ԵՊՀ ԻՄ-ի ստորաբաժանումներում:

2.2.10. Համակարգել ԵՊՀ ԻՄ-ի կրթական ծրագրերի որակի ինքնագնահատումը և օժանդակում դրանց արտաքին գնահատման և հավատարմագրման գործընթացներին:

2.2.11. Մշակել դասավանդման, ուսումնառության և ուսանողների գնահատման մեթոդների արդյունավետության գնահատման գործիքակազմը (հարցումներ, ֆոկուս-խմբեր և այլն), իրականացնել գնահատումը և առաջարկել բարելավմանն ուղղված քայլեր:

2.2.12. Համագործակցել ԵՊՀ ԻՄ-ի գիտական խորհրդի որակի կառավարման մշտական հանձնաժողովի և որակի ապահովման ֆակուլտետային հանձնախմբերի հետ և աջակցում նրանց աշխատանքներին:

### **3. Բաժնի կառուցվածքը և կառավարումը**

3.1. ԵՊՀ ԻՄ-ի մասնագիտական կրթության որակի ապահովման բաժնի վարիչին նշանակում և պաշտոնից ազատում է տնօրենը՝ Որակի կառավարման հանձնաժողովի նախագահի միջնորդությամբ:

3.2. Բաժնի հաստիքացուցակը սահմանում և դրա մեջ փոփոխություններ է կատարում ԵՊՀ ԻՄ-ի տնօրենը՝ բաժնի վարիչի և որակի կառավարման հանձնաժողովի նախագահի առաջարկով:

3.3. Բաժնի վարիչը՝

3.3.1. պլանավորում, կազմակերպում, ղեկավարում և վերահսկում է Բաժնի ընթացիկ գործունեությունը,

3.3.2. ԵՊՀ ԻՄ-ի գիտական խորհրդի, տնօրենության և որակի կառավարման հանձնաժողովի նիստերին հանդես է գալիս հաշվետվություններով, զեկույցներով, տեղեկատվությամբ և համապատասխան առաջարկություններով,

3.3.3. իր լիազորությունների սահմաններում Բաժնի աշխատակիցներին տալիս է համապատասխան ցուցումներ և հանձնարարականներ Բաժնի գործառույթների իրականացման նպատակով, լուծում դրանցից բխող հիմնախնդիրները,

3.3.4. ապահովում է Բաժնի համագործակցությունը ԵՊՀ-ի որակի ապահովման կենտրոնի և մասնաճյուղի այլ ստորաբաժանումների հետ ,

3.3.5. ստորագրում է Բաժնի անունից պատրաստվող փաստաթղթերը, կատարում նշագրումներ,

3.3.6. Բաժնի լիազորությունների շրջանակներում նախապատրաստում է զեկուցագրեր, տեղեկանքներ, հաշվետվություններ, առաջարկություններ և այլ փաստաթղթեր,

3.3.7. առնվազն ամիսը մեկ անգամ հրավիրում է Բաժնի նիստեր, պարբերաբար կազմակերպում քննարկումներ, անհրաժեշտության դեպքում հրավիրում խորհրդակցություններ՝ ներքին և արտաքին շահակիցների ներգրավմամբ,

3.3.8. Բաժնի աշխատանքային պլանով նախատեսված գործընթացների արդյունավետության գնահատման նպատակով իրականացնում է վերլուծություն,

3.3.9. ԵՊՀ ԻՄ-ի տնօրենին ներկայացնում է առաջարկություններ Բաժնի աշխատակիցներին սահմանված կարգով խրախուսելու, կարգապահական տույժի ենթարկելու, վերապատրաստման և ատեստավորման անհրաժեշտության վերաբերյալ,

3.3.10. իր լիազորությունների սահմաններում ներկայացնում է Բաժինը մասնաճյուղից դուրս, Բաժնի աշխատանքները կազմակերպելու նպատակով հանդիպում է տարբեր կազմակերպությունների ներկայացուցիչների հետ, նախապատրաստում է որակի ապահովման ոլորտի համագործակցության փաստաթղթեր՝ դրանք համաձայնեցնելով տնօրենի հետ,

3.3.11. կատարում է Բաժնի խնդիրների լուծման հետ կապված այլ աշխատանքներ,

3.3.12. պատասխանատվություն է կրում Բաժնի կողմից իրականացվող աշխատանքների որակի և Բաժնի առջև դրված խնդիրների հնարավորինս պատշաճ և արդյունավետ լուծման համար:

#### **4. Կանոնադրության հաստատման և փոփոխության կարգը**

4.1. Սույն կանոնադրությունը և նրանում կատարվող փոփոխությունները որակի կառավարման հանձնաժողովի ներկայացմամբ հաստատում է ԵՊՀ ԻՄ-ի գիտական խորհուրդը: